



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm X. Ad hæc.

[urn:nbn:de:hbz:466:1-62559](#)

de negligentia; ita ut rescripti impetrator, si culpam aut causam in Iudicem conjicere velit, a quo impeditus fuerit, quo minus actionem proponeret, probare teneatur. Negant autem de dolo: nam dolus non presumitur, sed ab allegante probari debet, l. quoties 18. §. qui dolo ff. de probat. Et fit haec probatio per coniecturas, seu indicia exterius perspicua, l. dolum ex indicis 6. C. de dolo malo, cum dolus in animo residens per se non appareat.

CAPITVLVM X.

Ad hæc.

PARAPHRASIS.

Relatum fuerat Lucio III. Pontifici, quod quidam ex Curia Romana literas afferent, in quibus omnia eorum negotia vni Iudici, vel plurib⁹, quos ipsi elegerint, iudicio committantur: Vnde accidere solet, ut repudiati Iudicis ordinarij examine, adnum vel plures Iudices delegatos, qui ipsis propitijs sint, aduersariae autem parti suspecti, pro causis definiendis recurrent. Quod cum iniquum & irrationabile sit, mandat Pontifex Ordinario loci, ut si eiusmodi literas in prouincia sua repererit, eas viribus carere Apostolicæ Sedis auctoritate decernat.

SUMMARIUM.

1. *Rescripta iustitia de falsitate suspecta sunt, ideoque rei cienda, in quibus certus iudex non delegatur, aut certo vni iudici omnia presentia & futura committuntur.*
2. *Item si quid contineant contra stylum Curiae, aut naturalem equitatem.*
3. *Potest Papa ex plenitudine potestatis per rescriptum dare potestatem eligendi quemcumque iudicem, salvo tamen iure recusandi.*
4. *Ex plenitudine potestatis potest Princeps operari contra ius commune positum, aut consuetudinariū seu Curiae suæ stylum; dummodo nihil agat contra rationem aut æquitatem naturalem, tollendo v.g. ius naturale defensionis, aut sine necessitate partem alteram grauando; Id autem fieret, si causam seu litem decidendam committeret.*

rum, aut consuetudinariū, seu Curiae suæ stylum; modo nihil agat contra rationem aut æquitatem naturalem.

NO T A N D V M I. Duæ inter alias causæ sunt (iuxta communiorē intellectū, in hoc c. insinuatae) ob quas rescriptum de falsitate suspectum esse debeat: I. Si in rescripto certus Iudex non delegetur, sed arbitrio & electioni impetrantis committatur. Futurum enim est, ut Iudicem sibi propitium, aduersario autem suspectum eligat. II. Si negotia omnia cum praesentia, tum futura vni, etiam certo, Iudici committantur: Quod secundum Rom. Curiae stylum fieri non solet in rescriptis iustitiae; cum per id ordinario Iudici multum derogaretur. quod plerumque non expedit, argum. c. peruenit 39. causa 11. quæst. 1. De rescriptis iustitiae loquitur: At verò per rescriptum gratiæ ad defendendum v.g. Ordinem Regularium, aut Monasterium ab iniuria & impunitiōibus manifestis aduersariorum, dari ita solent Iudices, qui dicuntur *Conservatores*, cap. 1. & c. vlt. de iudic. deleg. in 6. atque notarunt h̄c Imola & Abb. yterque n. 5.

NO T A N D V M II. Si literæ Principis contra stylum Curiae, aut cōtra naturalem æquitatem quippiam continentur, de falsitate suspectæ sunt, ideoque rei ciendi debent. Ita h̄c, & suprà in c. 2. hoc tit. & c. 3. de Capell. Monachorum.

QUÆRIT Glossa h̄c ver. elegerint: Num 3. Papa ex certa scientia eiusmodi rescriptum committere possit, v.g. cum potestate eligendi quemcumque Iudicem? Et rectè responderet, committere posse, salvo tamen iure recusandi. Quod etiam docet Anton. h̄c in fine, ibid. Baldus, & Abb. n. 8. Nam vocula ex certa scientia, æquiualeat h̄c plenitudini potestatis: At verò Princeps ex potestatis plenitudine operari potest contra ius commune positum, aut consuetudinariū seu Curiae suæ stylum; dummodo nihil agat contra rationem aut æquitatem naturalem, tollendo v.g. ius naturale defensionis, aut sine necessitate partem alteram grauando; Id autem fieret, si causam seu litem decidendam committeret.

teret Iudici incerto, seu quem impetrans elegerit, non concessa parti alteri recusandi potestate.

CAPITVLVM XI.

Ad audientiam.

PARAPHRASIS.

H. de sancto Stephano, qui ab Episcopo suo excommunicatus fuerat, literas tanquam à Sede Apostolica missas præsentavit, in quibus de absolutione ipsi conferenda cōtinebatur: sed quia propter vitium latinitatis suspectæ erant, Episcopus remisit eas ad Lucium II. Papam: Qui hīc respondet; cū dicit̄ literæ manifestum in constructione peccatum cōtineant, non esse ipmis fidem habendam.

SUMMARIUM.

1. *Rescriptum, quod manifestum in constructione vitium siue solecismum continet, tanquam falsum rejici debet; nisi in eo stylo Curie, vel Camera Apostolica conforme sit, cum quo conferendum.*
2. *Et hoc locum habet non tantum in rescriptis Pontificiis omnibus iustitia & gratia; sed etiam in rescriptis & priuilegiis aliorum Principum.*

Non autem in instrumentis Notariorum,

NO TANDVM VN. Literæ, que tanquam ab Apostolica Sede missæ afferuntur, si in constructione verborum vitium manifestum, siue solecismum contineant, tanquam false rejici debent. Ratio est: Quia rescriptum Principis transit per multas manus, & magna maturitate decoquitur, c. Apostolice 4. causa 35. quæst. 9.

2. Ampliari debet doctrina primò cum Abb. hīc n. 3. Ut intelligatur de omnibus rescriptis Pontificiis, siue sint iustitiae, siue gratiae. Secundò, ut locum etiam habeat in rescriptis & priuilegiis aliorum Principum; cū eadem sit ratio. Non autem locum habet in instrumentis Notariorum, secundum Gloss. fin. hīc Felin. in c. ex parte n. 2. de fide instrum. Quia

vnum hominem errare proclive est, l. errore 7. C. de testament. & in l. 2. C. de errore aduocatorum dicitur, quod error libellum scribentis parti nocere non debeat: si ostendi possit, vel ex coniecturis appareat, à scribente erratum fuisse. Videri possunt quæ docui lib. 1. Theol. moral. tr. 4. c. 22. n. 27.

His addendum est, ex Petr. Gregor. Tholosano super hoc c. verbo peccatum: Antequam Pontificium rescriptum propter vitiam latinitatem rejiciatur, verba eius conferenda esse cum stylo Curie, aut Cameræ Apostolice, videndumque, num loquendi modulus dissimilis sit, necne: Cūm non propter falsam latinitatem præcisè, sed inde ortam præsumptionem fraudis, rescriptum rejici debeat: Præsumptio autem cedit veritati, quando Principis voluntas probabilissime appetit, sicuti etiam Gl. hīc fatetur ver. manifestum, circa medium.

Si dicas, Ex hoc sequi, nullum esse discrimen inter Principis rescriptum, & Notarij, alterius siue similis personæ scripturā. Respondeo, Imo esse discrimen, Quod Principis rescriptum, in quo error manifestus contineatur, ob rationem in t. not. positam, magis suspectum sit de falsitate; vt non tam facile quipiam admittatur ad probationem contrarij: quandoquidem suspicio hæc siue præsumptio est iuris & de iure; nisi contrarium indubie appareat.

CAPITVLUM XII.

Ex parte S.

PARAPHRASIS.

Capella Emptonensis suberat Ecclesiæ de Tarento, cuius Rector de Tarento erat Sebastianus. Onuphrius Diaconus item intendit Capellano Emptonensi coram Ordinario; ab eius sententia appellat Onuphrius, sed appellationem non prosecutus expellit Capellanum. Veram Sebastianus causam sui Capellani prosequitur, & à Sede Apostolica literas ad iudices delegatos impetrat. Ab his in iudicium